



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

IX. Decretum in causa inter Procuratorem Gener., & Laicos Ordinis  
Carthusien.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



Causa moderatio-  
nis.

Preces Pro-  
curatoris  
Gen.

Permissio  
moderatio-  
nis præd.

Clausula.

§. 1. Cum eadem expositio subjungebat, præ-  
inserta Constitutio, tempore, quo Congregatio  
hujusmodi in Hispania dumtaxat reperiebatur  
facta fuerit, nunc vero cum eadem Congrega-  
tio adjuvante Domino per Germaniam, Polo-  
niam, & alias Mundi partes propagetur, expe-  
rientia compertum sit Constitutionem prædic-  
tam extra Hispaniam quoad Descendentes ab  
hæreticis servari non posse: Nos propterea dic-  
ti Petri Procuratoris Generalis votis hac in re  
quantum cum Domino possumus favorabiliter  
annuere volentes, eumque a quibusvis excom-  
municationis, suspensionis, & interdicti, aliis-  
que Ecclesiasticis sententiis, censuris, & pœnis  
a jure, vel ab homine quavis occasione, vel cau-  
sa latis, si quibus quomodolibet innodatus exis-  
tit ad effectum præsentium dumtaxat conse-  
quendum harum serie absolventes, & absolutum  
fore censentes, hujusmodi supplicationibus in-  
clinati, de Venerabilium fratrum nostrorum  
S. R. E. Cardinalium negotiis, & consultationibus  
Episcoporum, & Regularium præpositorum  
consilio, enunciata Constitutionem quoad des-  
cendentes ab hæreticis tantum tam quoad ad-  
missos, quam quoad admittendos, tam ad habi-  
tum, quam ad Professionem in præfata Religio-  
ne, auctoritate nostra Apostolica tenore præsen-  
tium moderamus; firma tamen remanente ipsa  
Constitutione quoad Hispaniam, & Lusitaniam,  
ac salva semper in præmissis auctoritate Con-  
gregationis eorundem Cardinalium.

§. 2. Decernentes ipsas præsentis literas sem-  
per firmas, validas, & efficaces existere, & fore,  
suosque plenarios, & integros effectus sorti-  
ri, & obtinere, ac illis ad quos spectat, &  
pro tempore quodcumque spectabit, in omni-  
bus, & per omnia plenissime suffragari, & ab  
illis respective inviolabiliter observari: sicque in  
præmissis per quoscumque Judices Ordinarios,  
& Delegatos, etiam causarum Palatii Apostolici  
Auditores, judicari, & definiti debere; ac irri-  
tum, & inane, si secus super his a quoquam  
quavis auctoritate scienter, & ignoranter contige-  
rit attentari.

§. 3. Non obstantibus præmissis, ac Consti-  
tutionibus, & Ordinationibus Apostolicis, nec  
non quatenus opus sit Congregationis, & Ordinis  
prædictorum etiam juramento, confirmatio-  
ne Apostolica, vel quavis firmitate alia robo-  
ratis, statutis, & consuetudinibus; privilegiis  
quoque indultis, & literis Apostolicis in contra-  
rium præmissorum quomodolibet concessis, con-  
firmatis, & innovatis. Quibus omnibus, & sin-  
gulis illorum tenores præsentibus pro plene, &  
sufficienter expressis, ac ad verbum insertis ha-  
bentes; illis alias in suo robore permanentis ad  
præmissorum effectum hac vice dumtaxat specia-  
liter, & expresse derogamus, cæterisque con-  
trariis quibuscumque.

§. 4. Volumus autem, ut earundem præsen-  
tium literarum transumptis, seu exemplis, etiam  
impressis manu alicujus Notarii publici subscrip-  
tis, & sigillo personæ in Ecclesiastica dignitate  
constitute munitis, eadem prorsus fides ubique  
locorum tam in judicio, quam extra illud habeatur,  
quæ ipsis præsentibus haberetur, si forent  
exhibite, vel ostense.

Datum Romæ apud S. Mariam Majorem sub  
annulo Piscatoris, die I. Martii MDCXCII. Ponti-  
ficatus nostri Anno Primo.

IX.

Confirmatur Decretum Congreg. particularis in  
causa nonnullarum Provinciarum Ordinis Car-  
thusien.

Innoc. XI. Const. ed. 1682. Sep. 11. P. 8. extrat qua-  
dam declaratio Congr. Rituum circa Professionem.  
Et hujus Pontif. Const. ed. 1692. Nov. 4. P. 2. alia  
circa prohibitionem egressus ab Eremito.

INNOCENTIUS PAPA XII.

Ad futuram rei memoriam.

Alias in Causa inter dilectos filios Procura-  
torem Generalem Ordinis Carthusien. ex  
una, & Fratres Laicos, seu Conversos duarum  
Provinciarum Hispaniarum d. Ordinis ex altera  
partibus vertente emanavit a particulari Con-  
gregatione nonnullorum ex tunc existentium  
S. R. E. Cardinalium a fel. rec. Alex. Papa VIII.  
prædecessore nostro specialiter deputata Decre-  
tum tenoris, qui sequitur videlicet: In Causa ver-  
tente inter Patrem Procuratorem Generalem Or-  
dinis Carthusianorum ex una, & Laicos duarum  
Provinciarum Hispaniarum ejusdem Ord. parti-  
bus ex altera, Congregatio nonnullorum Emi-  
nentissimorum, & Rmorum S. R. E. Cardinalium  
per Ssmam Dnam Nostrum specialiter depu-  
rata, partibus ipsis informantibus referente Emio  
de Laurea, infrascriptum in modum responden-  
dum censuit, nempe. *Ad primum*, quoad habi-  
tum Donatorum, & præcipue quoad capitium  
in duabus Provinciis Hispaniarum servandam esse  
consuetudinem. *Ad secundum*. Conversis non  
competere Votum in Capitulis Conventuali-  
bus. *Ad Tertium*. Circa receptionem Con-  
versorum servandas esse Constitutiones Ord. par. 3.  
cap. 1. n. 16. *Ad quartum*. Quoad præsentiam  
Donatorum in Capitulis culparum, & quoad in-  
terventum Donatorum insimul, & Conversorum  
in Ecclesiis, & Refectoriis itidem servandas esse  
Constitutiones Ordinis. *Ad quintum*. Spatiamen-  
ta Monachorum, non competere Conversis,  
causamque prædictam non esse amplius propo-  
nendam. Romæ 29. Martii 1690. G. Cardinalis  
Carpineus. A. Altovitus Secretarius.

§. 1. Cum autem sicut dictus Procurator Gene-  
ralis Nobis nuper exponi fecit, ipse Decretum  
hujusmodi, quo firmius subsistat, & servetur  
exactius, Apostolica confirmationis nostræ pa-  
trocinio communiti plurimum desideret. Nos  
specialem ipsi Procuratori Generali gratiam fa-  
cere volentes, eumque a quibusvis excommuni-  
cationis, suspensionis, & interdicti, aliisque Ec-  
clesiasticis sententiis, Censuris, & pœnis a jure,  
vel ab homine quavis occasione, vel causa latis,  
si quibus quomodolibet innodatus existit ad ef-  
fectum præsentium dumtaxat consequendum ha-  
rum serie absolventes, & absolutum fore cen-  
sentes, supplicationibus ejus nomine Nobis super  
hoc humiliter porrectis inclinati, Decretum  
præinsertum, ac omnia, & singula, in eo con-  
tenta, & expressa auctoritate Apostolica tenore  
præsentium approbamus, & confirmamus, illis-  
que inviolabilis Apostolicæ firmitatis robor ad-  
jicimus, ac omnes, & singulos juris, & facti de-  
fectus, si qui desuper quomodolibet interven-  
erint supplemus.

§. 2. Decernentes easdem præsentis literas  
semper firmas, validas, & efficaces existere, &  
fore, suosque plenarios, & integros effectus sorti-  
ri, & obtinere, ac illis ad quod spectat, & pro  
tempore quodcumque spectabit, in omnibus,  
& per omnia plenissime suffragari, & ab eis re-  
spective inviolabiliter observari: sicque in præ-  
missis per quoscumque Judices Ordinarios, &  
Delegatos, etiam causarum Palatii Apostolici  
Auditores, judicari, & definiti debere; ac irri-  
tum, & inane si secus super his a quoquam  
quavis auctoritate scienter, vel ignoranter contige-  
rit attentari.

§. 3. Non obstantibus Constitutionibus, &  
Ordinationibus Apostolicis, necnon quatenus  
opus sit dicti Ordinis, etiam Juramento, con-  
firmatione Apostolica, vel quavis firmitate alia  
roboratis statutis, & consuetudinibus; privile-  
giis quoque, Indultis, & Literis Apostolicis in  
contrarium præmissorum quomodolibet concessis,

Decretum  
prædictum.

Preces Pro-  
curatoris  
Gen.

Confirmatio  
relati Decre-  
ti.

Clausula.



sis, confirmatis, & innovatis. Quibus omnibus, & singulis, illorum tenores, presentibus pro plene, & sufficienter expressis, ac ad verbum insertis habentes, illis alias in suo robore permansuris, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

S. 4. Volumus autem, ut earundem praesentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum tam in Judicio, quam extra illud habeatur, quae ipsis praesentibus haberetur, si forent exhibitae, vel ostensa.

Datum Romae apud S. Petrum sub Annulo Piscatorum die XI. Aprilis MDCXCII. Pontificatus nostri Anno Primo.

X.

Confirmantur Decreta circa alternativam inter Fratres Minores S. Francisci de Observ. Reformatos Provinciae S. Nicolai.

Extant alia alternativae Inno. XI. Const. ed. 1688. Jun. 3. Pont. 12. in electione Commissarii. Et pro Provinciae Januensis hujus Pontif. Const. ed. Jan. 7. P. 5.

Dat. 17. Maji  
1692. An. 1.

## INNOCENTIUS PAPA XII.

Ad perpetuam rei memoriam.

EXponi nobis nuper fecit dilectus filius modernus minister Provincialis Provinciae S. Nicolai Ordinis Fratrum Minorum S. Francisci de Observantia Reformatorum nuncupatorum, quod alias dilectus pariter filius Joannes ab Aquila Frater expresse professus dicti Ordinis, cum in eadem Provincia, quae in duas partes, videlicet Baren. & Licien. divisa reperitur, munere Commissarii Visitatoris fungeretur, dissensiones componere, & inconvenientibus, quae inter Fratres Provinciae hujusmodi Capitularium, aliarumque similibus electionum occasione oriebantur, occurrere cupiens, pro communi ipsius Provinciae beneficio, & quiete, concordiam quandam, seu Alternativam ab omnibus dictae Provinciae vocalibus legitime ad id Congregatis firmari, & acceptari, ac unanimi omnium consensu subscribi curavit per Decretum Capituli Provincialis in Conventu Tarentin. Sancti Antonii die 6. Aprilis 1690. desuper emanatum tenoris, qui sequitur, videlicet: Decretum Provinciale. Cum toti huic Provinciae Strict. Observantiae S. Nicolai universalis rumor acceperit paci consulendae, pietati firmandae, jurgis, dissidiisque totam Provinciam vagantibus. Quippe plausu, & omnium Religiosorum, consensu desiderare non desistit, ut Provincia aequa justitia gubernetur, & partium causa ad Tribunal Eminentissimi Domini nostri Alderani Cybo vigilantis Protectoris, atque Reverendissimi Patris nostri Caroli Francisci de Varese dignissimi Commissarii Generalis devolvenda scrutinio deliberaretur, ut in posterum dissidia cederent, & Barenfis Religiosorum Pars, atque Licienfis invicem ne altercari audeat magno saecularium scandalo, Strict. Observantiae detrimento, ideo Adm. R. P. Joannes ab Aquila in hac Divi Nicolai Provincia actualis Commissarius Visitator auditis omnium utriusque partis vocibus, & toto animo stabilimentum communi paci investigans, ipsemet non alio desiderio ardens, nisi jurgia abolere, nisi pacem firmare, nisi justitiam consulere, tandem certiores redditu Eminentissimus Protector, & Reverendissimus Pater Commissarius Generalis praefati, eidem Commissario Visitatori Decreto transcripsit, ut videre est in

Institutio al-  
ternativa.

Decretum  
Provinciale.

calce. Nos Fr. Carolus Franciscus de Varese &c. & sub sine omnes adamussum observent. Cum voto Eminentissimi Domini nostri Protectoris ipse Pater Commissarius Generalis magna cum prudentia, & justitia ad officia ipsius Provinciae obeunda Alternativam transmisit, omni justitiae consonam praecipiendo in virtute S. Obedientiae, & sub poenis contra inobedientes, & rebelles a legibus taxatis. Inde P. Commissarius Visitator perpensis mature omnium desiderijs, decretum R. P. Commissarii Generalis publicat, & ejus mentem in hoc nostro Provinciali decreto firmare decernit, quam videre est in originali decreto citato, ut supra; Alternativam (sic ajens) Provincialatus ejusdem Provinciae ponendam, stabilendam, atque in perpetuum figendam esse judicamus inter Patres, seu Religiosos Partium, Nationum, seu Provinciarum Barenfis, & Licienfis. Unde Adm. RR. PP. Commissarii, & Judex Ministri Provincialis cum PP. Diffinitorii, & vocalibus Provinciae ad Comitium Provincialia convocatis, talem Alternativam toto animo acceptare desiderantibus, ita quod in quibuslibet Comitibus Provincialibus, seu Capitularibus congressibus, Pars Licienfis habeat in Diffinitorio tres satisfactiones, & etiam tres Pars alia Barenfis tali ordine, & pars Licienfis, tanquam copiosior fratribus, & Conventibus successive per duas vices habeat Provincialatus officium, ipsum habere incipiendo a proximo imminente Capitulo, cum adscriptione duorum rationalium PP. in Diffinitorio, ideoque in singulos novenos annos Pars Barenfis habeat semel Provinciale cum duobus Diffinitoribus, & alio sexennio Custodes cum Diffinitoribus, binis, in unoquoque triennio: Sic Licienfes per consequens habeant reliqua in Diffinitorio officia. Praeterea disponere etiam volumus Guardianatus pro eisdem Provinciae communi pace, & sine offensione Justitiae distributivae, ita quod Patres Barenfes duodecim habeant Guardianias, ne autem summa inaequalitas videatur in Electionibus futurorum Capitulum, volumus duas alias Guardianias addi Parti Barensum, ita quod duo alii Guardiani eligantur a Barensibus ad ipsorum satisfactionem, sed eligendi sint natione Licienfes, usque dum Conventus ab ipsis recipiendi ad aequalem numerum pervenerint Conventuum Licienfium. Si vero in futurum Conventus Barenfes, Licienfium numerum excederint ad aequalitatem in utramque partem deductum iri censemus. Quapropter Partem Barensem duodecim Guardianias consecram praescribemus Geografae, & secundum naturam per divisionem, vulgo *la Gravina di Castellanera*, & Provinciam Liciensem a Castellanera exclusive usque ad Praesidium. Pariformiter, ut radicatus omnis dissensionis fomentum tollatur in receptione Novitiorum, quae indifferenter fieri debet, praecipimus, ut de receptis, & approbatis intra numerum solum a Sacra Congregatione concedi pro quolibet anno duodecim Juvenes, octo Clerici, quatuor Laici de melioribus respective pro parte Barenfi recipiantur ad habitum, & Professionem; Reliqui vero pro complemento numeri praefixi a Sacra Congregatione ex alia parte tanquam numerosiori vestiantur. Unde consulto Adm. RR. PP. Commissarius Visitator, & Judex, Minister Provincialis, Custos, & PP. omnes Diffinitores, quam Vocales, ad pedes Eminentissimi Protectoris, & R. P. Commissarii Generalis subjicientes unanimi consensu, quo majori favore deprecantur vota prosequi dignentur, pro majoris roboris validitate apud Sac. Congregationem Cardinalium Decreto obsignari. Et quae in hoc Decreto praescribuntur ab omnibus in futurum adamussum observentur, sub poena nullitatis Electionum, quae in contrarium oriri possint. Datum Tarenti in loco nostro

co nostro